

doczi live 文川網
入駐商家
在文川網搜索古籍書城 獲取更多資訊

中國歷代書目題跋叢書 第四輯

〔清〕朱緒曾撰

開有益齋讀書志



中國歷代書目題跋叢書 第四輯

〔清〕朱緒曾撰 宋一明整理 吳格審定

開有益齋讀書志



圖書在版編目(CIP)數據

開有益齋讀書志 / (清)朱緒曾撰; 宋一明整理.
—上海: 上海古籍出版社, 2015. 4
(中國歷代書目題跋叢書. 第四輯)
ISBN 978-7-5325-7373-8

I. ①開… II. ①朱… ②宋… III. ①讀書筆記—
中國—清代 IV. ①G792

中國版本圖書館 CIP 數據核字(2014)第 182404 號

本書出版得到國家古籍整理出版專項經費資助

中國歷代書目題跋叢書(第四輯)

開有益齋讀書志

[清]朱緒曾 撰
宋一明 整理

上海世紀出版股份有限公司 出版
上海古籍出版社

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.co

上海世紀出版股份有限公司發行中心發行經銷

上海展強印刷有限公司印刷

開本 850×1168 1/32 印張 7.75 插頁 5 字數 200,000

2015 年 4 月第 1 版 2015 年 4 月第 1 次印刷

印數: 1—1,300

ISBN 978-7-5325-7373-8

K·1923 定價: 28.00 元

如發生質量問題,讀者可向工廠調換

《中國歷代書目題跋叢書》第四輯編選說明

明清以迄民國之古籍書目，存世者多達千餘種。《中國歷代書目題跋叢書》前三輯，已出版書目、題跋四十五種，頗受讀者歡迎。本輯廣續前編，斟酌去取，訪求秘本，專人整理，將收入以下各種：

- 一、新輯紅雨樓題記 徐氏家藏書目 明徐燏撰 據刻本、抄本及手跡整理
- 二、澹生堂讀書記 澹生堂藏書目 明祁承燦撰 據刻本及稿本整理
- 三、開有益齋讀書志 清朱緒曾撰 據翁氏刻本整理
- 四、愛日精廬藏書志 清張金吾藏並撰 據張氏刻本整理
- 五、雲間韓氏藏書題識彙錄 清韓應陞藏 鄒百耐纂 據稿本整理
- 六、傳書堂藏書志 蔣汝藻藏 王國維撰 據稿本整理
- 七、羣碧樓善本書錄 寒瘦山房鬻存善本書目 鄧邦述撰 據鄧氏刻本及手跡整理
- 八、積學齋藏書記 徐乃昌藏並撰 據稿本整理
- 九、二葉書錄（拾經樓紬書錄 華鄂堂讀書小識） 葉啟勳、葉啟發撰 據印本及稿本整理

十、善本書所見錄 羅振常撰 據稿本整理

相關內容版本，由整理者撰寫說明，載於各本之首。本輯選目整理，略有以下側重：

一、重視藏書題跋、書志整理

前人藏書題跋、書志諸作，較之普通書目，著錄多出於撰者目驗，對圖書內容及版本之揭示較為深入，因而歷來受人重視。題跋與書志，雖較書目著錄為備，實則仍有差異。題跋形式不拘，內容專門，反映各書特色及撰者學養，足供後學參考，其不盡如人意處，或因篇幅有限，或則稍涉隨意。書志之作，通常覆蓋四部，品種繁多，其著錄體例整飭，描述詳備，雖不以議論見長，而實合於「述而不作」之旨。藏書志編纂盛於清末，民初流風未泯，諸家藏書雖已星散，藏書志未刊稿本猶有遺存，可供考察各書內容體例、撰者生平、抄刻先後、版本異同、存佚遞藏之助。本輯子目遴選，即以藏書題跋及藏書志為主。

二、重視稿本書目利用

本輯收錄藏書志多種，其中除《愛日精廬藏書志》曾經刻印，即取刻本為底本外，《雲間韓氏藏書題識彙錄》、《傳書堂藏書志》、《積學齋藏書記》整理，所據則為撰者稿本或抄稿本，原本分度各圖書館。《善本書所見錄》底本，則出於私家珍藏。現經複製整理，參互校訂，首度面世，彌足寶貴。化珍稀為常見，多賴各方同仁有力支持，在此謹致謝忱。

三、重視新編題跋書錄

書目文獻整理，不僅應關注已經抄刻成書者，又應利用資源作深度加工，如輯錄各書題跋、編校考訂舊目，事關學術，均可用力。本輯所收入《新輯紅雨樓題記 徐氏家藏書目》、《澹生堂讀書記 澹生堂藏書目》等，皆為名家所撰藏書、刻印記錄，此前未經結集，出於今人新輯，堪稱精心之作。如紅雨樓藏書原本星散，分藏海內外，整理者尋訪原書，校核考訂，不辭辛勞，已逾十載。澹生堂主人不僅以藏書及《澹生堂藏書約》名聞後世，其於古書評鑒、編目整理、存藏保護等亦多實踐，深具見地，議論文字散見於文集別著，茲經輯錄，與藏書目彙為一編。他如鄧氏《羣碧樓善本書錄》、《寒瘦山房鬻存善本書目》整理，曾取校原書題識。《二葉書錄》係合編葉氏昆仲《拾經樓鈔書錄》（排印本）、《華鄂堂讀書小識》（稿本）而成。任事諸君，以一己之勞瘁，為讀者謀方便，非僅有功文獻，堪稱不負古人。讀者有心，諒蒙首肯，而書囊無底，搜羅未備，尤俟同好之增益。二〇一二年十月吳格識。

整理說明

《開有益齋讀書志》六卷、《續志》一卷，清朱緒曾撰。緒曾字述之，上元（今江蘇南京）人。生於嘉慶十年（一八〇五），道光二年（一八二二）舉人，道光十五年（一八三五）大挑知縣，分發浙江，補孝豐知縣，署武義、秀水，遷嘉興，轉台州府同知，洊升知府。咸豐十年（一八六〇）卒於浙江山陰。著述甚富，有《論語義證》、《爾雅集釋》、《開有益齋經說》、《開有益齋金石文字記》、《續棠陰比事》、《金陵舊事》、《曹集考異》、《北山集》、《昌國典詠》等，經亂多有散佚。又輯《金陵詩徵》、《續梅里詩輯》等，以存其地方文獻。

朱氏肆力聚書，雅好金石，居秦淮水榭，藏書十數萬卷，官兩浙時又獲鈔文瀾閣、天一閣、拜經樓所藏秘笈。咸豐三年（一八五三），太平軍陷江寧，藏書俱毀於兵燹。時朱氏方官浙中，有慨收藏之灰燼，因取行篋所存藏書，掇其大旨，詳加考證，撰為解題，合以序跋等，成《開有益齋集》而不分卷。朱氏歿後，該集散佚，僅存者約當原書三分之一。其子桂模自別處鈔錄，略事增輯，敦請儀徵劉壽曾編次，而成《開有益齋讀書志》六卷，《金石文字記》一卷附後，書成，而未及刊刻。朱氏所撰《研漁筆記》，引書多加按語，晚清江寧藏書家甘元煥復從中輯得三十篇，編為《開有益齋讀書續志》一卷，用附書末。於光緒六年

(一八八〇)，由金陵翁氏茹古閣刊刻行世。

朱氏以研經博物聞名東南，所作序跋不涉虛語，甚爲精核，自謂：「吾集序跋最夥，與《甘泉鄉人稿》相類，無空言也。」解題仿《郡齋讀書志》之體，劉壽曾稱「其敘錄宗旨以表微扶佚爲先，大者在經訓儒術、典章法制，次者亦多識前言往行，爲徵文考獻之資。旁涉校讎，亦多精審。方駕晁、陳，殆有過之，誠有得於目錄家之原者」。七卷所錄凡一百七十餘種，遍及四部，眼界闊大，既存四庫未收秘笈，又多金陵鄉邦文獻；博考朝鮮、越南漢籍、古今婦女著作，非有卓識，難臻此境。集部諸書解題，尤著意補《宋詩紀事》之未備，糾《明詩綜》之誤考。解題兼述朱氏與錢泰吉、蔣光煦、勞格、錢培名諸人往來情形，藉之可詳藏書、刻書故實。

本書傳本，僅見清光緒間金陵翁氏茹古閣刻本，即此次整理之底本。北京大學圖書館藏稿本一種，殘存卷一、卷二，限於時日，未能取作校本。《金石文字記》一卷，因與書目題跋關涉較小，不予闖入。書中引文極繁，爰據所引略爲檢核，明顯抄錄、版刻訛誤及衍文，以（）標出，改正處標以「」，兩可之處，不作改動。形近而訛，均予徑改，避諱字亦予以回改。古人引書，與今不同，點校所加引號，僅表出處，非謂原書字句皆同。底本闕字及墨丁等，均以□標識，不據他書妄補，以存原貌。癸巳初夏，宋一明識。

開有益齋讀書志序

曩與新化鄒未績漢勳館魏默深所，同病書之繁複及小說家言。鄒時尚談音學，旁及字母，余喜輿地，嘗取所段魏君書而各摘錄其所著。其冬未績偕余歸金陵，爲魏刊所著《海國圖志》也。有二三少年來訪鄒君，蓋其同鄉王夫之先生後裔也。載書兩大舫，並夫之遺書，云湘中寇警，故來江東。謂余曰：「比得鄉人書，傳寇志在金陵，恐此方亦非福地也。」遲三日，往訪之，則已揚帆去。因與未績步回，行咸不能正履，益以書不忍舍爲病。夫古人書不多，又竹簡，故老屋壞墻可藏皮。今書紙印，何從祕之，惟提要爲最佳爾。賊氛急，鄒忽忽別去。余竟爲書累，陷賊中，雖尋行遁，而一字不能攜。益思書之必有所擇，如采山者取其玉，餘雖杞梓亦不顧；泛海者期得驪珠，其它蜃羸葦葦，何足細羅哉。光緒六年，朱君崇嶧以其尊甫述之書索序於余，讀劉君恭甫叙，知寓目錄於跋尾，蓋與余所云擇錄者名異而寔同。因念道光中無冬夏，日與述之晤於文廟書攤及石渠閣諸處。彼時殊不念亂，若有先知，必相約爲學人闢此精微法門，則余與君書雖亡其糟粕，而精華固不泯也。余與述之同爲歸安姚文僖所識拔，居又相近，嗜好相同，故交爲契合焉。時光緒庚辰夏仲，同里愚弟汪士鐸序。

目 録

《中國歷代書目題跋叢書》第四輯編選說明	一
整理說明	一
開有益齋讀書志序	一
汪士鐸	一
開有益齋讀書志卷一	一
厚齋易學	一
周易象義	二
易考	四
尚書考	四
毛詩類釋	六

韓氏三禮圖說	七
錢氏冬官補亡	八
春秋經左氏傳句解	九
春秋紀愚	九
左傳博議拾遺	一〇
穀梁傳明辨錄	一一
管氏讀經筆記 續筆記	一二
四書叢說	一三
四書解細論	一三
論語竝質	一四
四書拾義	一六
元平水曹氏爾雅注	一八
助字辨略	二〇
開有益齋讀書志卷二	二一
班馬字類補遺	二一

三國志補注	二二
建康實錄	二二
陸宣公奏議注	二三
曲臺奏議	二四
趙格庵奏議	二五
祖庭廣記	二六
袁忠臣傳	二七
韓柳類譜	二七
溫公年譜 荆公年譜	二八
將鑑論斷	二九
元延祐甲寅元年江西鄉試第二場石鼓賦卷	三〇
建文元年京闈小錄	三一
明御史姚承庵試卷	三二
帝里明代人文略	三三
甘州成仁錄	三四

十九史略通考	三五
南唐書注	三六
歲時廣記	三七
開有益齋讀書志卷三	三八
輿地紀勝	三八
嚴州圖經	三九
乾道四明圖經	四〇
淳祐臨安志	四〇
景定建康志	四一
咸淳毘陵志	四三
至(元)「正」四明續志	四四
大德昌國志	四五
金陵新志	四六
洪武京城圖志	四七
昌國典詠	四八

潮蹟	四八
祠山事要	四九
海昌勝覽	五〇
靈谷寺志	五〇
金陵六朝記	五一
六朝事迹編類	五二
金陵待徵錄	六四
游志續編	六五
紀古滇說集	六六
安南志略	六六
南雍志	六七
中興禮書 續中興禮書	六九
壇廟祀典	七〇
千頃堂書目	七二
拜經樓藏書題跋記	七二

隋書經籍志考證	七三
玄牘記	七四
開有益齋讀書志卷四	七六
疑獄集	七六
重刊宋本棠陰比事	七七
養生必用方	八〇
南陽活人書	八一
素庵醫要	八三
醫經正本書	八三
精選百一方	八四
七政推步	八五
緯略	八六
秕言	八六
臺閣名言	八七
分門古今類事	八八

六帖補	八九
至正直記	八九
櫟翁稗說	九二
梅仙觀記	九二
開有益齋讀書志卷五	九四
曹子建集考異	九四
昭明太子集	九六
韓文公集	九七
杜樊川集	九九
釣磯文集	一〇一
胡曾詠史詩 周曇詠史詩	一〇一
桂苑筆耕	一〇二
王黃州小畜外集	一〇四
滴水集	一〇五
劉左史給諫文集	一〇六

藏海居士集	一〇七
張章簡華陽集	一一〇
海陵集	一一一
知稼翁集	一一三
陳子高詩集	一一四
高東谿先生集	一一四
緣督集	一一五
平庵悔稿	一一六
雙峯猥稿	一一六
自鳴集	一一七
平齋文集	一一八
平塘集	一一九
金陵雜興	一二〇
金陵百詠	一二〇
自堂存稿	一二一

剡源集逸稿	·····	一一三
桐江集	·····	一一四
張子淵詩集	·····	一一五
檜亭集	·····	一一五
木訥齋文集	·····	一二六
書林外集	·····	一二六
蛾術詩詞	·····	一二七
東行稿	·····	一二八
積齋集	·····	一二九
全歸集	·····	一三〇
小小齋詩集	·····	一三一
鄧伯言玉笥集	·····	一三二
益齋亂稿	·····	一三三
佩玉齋類稿	·····	一三四
溪園集	·····	一三六

臨安集	一三六
育齋詩集	一三七
清風亭稿	一三八
正氣錄	一三九
荷谷詩鈔	一四一
石洲集	一四一
挹翠軒遺稿	一四二
厚岡文集	一四二
青溪文集續編	一四三
德風亭初集	一四三
高春卿投濁集	一四四
開有益齋讀書志卷六	一四七
玉臺新詠與文選考異	一四七
宛陵羣英集	一五一
敦交集	一五二

唐氏三先生集	一五二
皇華集	一五四
顧東橋鞠讜倡和詩	一五五
越南詩選	一五六
洛如詩鈔	一五八
梅里詩輯	一五八
續梅里詩輯	一六〇
朱氏家集	一六一
艇齋詩話	一七四
蔡寬夫詩話	一七五
劉壽曾跋	一七六
朱桂模跋一	一七八
朱桂模跋二	一七九
開有益齋讀書續志	一八〇
同文尚書 詩切	一八〇

春秋屬辭辨例編	一八二
經典釋文	一八四
九經古義	一八五
羣經補義	一八五
三國志	一八六
唐書	一八六
徽州府志	一八六
溪蠻叢笑	一八八
唐律疏義	一八八
桓譚新論	一八八
仕學規範	一八九
甕牖閒評	一九〇
雲麓漫鈔	一九〇
李義山集	一九一
歐陽文忠集	一九二

晁說之景迂生集	一九三
程俱北山集	一九四
連南夫知泉州表	一九五
韋齋集	一九六
趙昌父稿	一九七
攻媿集	一九九
絜齋集	二〇〇
絜齋集	二〇三
蒙齋集	二〇五
許有壬至正集	二〇六
汪文毅慈谿守城議	二〇六
趙坦保巒齋集	二一〇
東林寺題名	二一一
宋仁宗賜呂夷簡璽書石刻	二一二
飛來峯韓蘄王題名	二一三

甘元煥跋……………二一四

朱桂模跋……………二一五

書名索引……………1

開有益齋讀書志卷一

上元朱緒曾述之

厚齋易學

《厚齋易說》五十卷、《附錄》二卷，宋都昌馮椅撰。《宋·馮去非傳》云：「父椅，著《易》、《書》、《詩》、《語》、《孟輯說》。」此《易說》輯自《永樂大典》。《輯經》四卷，專解《彖》、《象》；《輯傳》二十卷，以《彖》、《象》爲經，「十翼」爲傳；《外傳》十八卷，以「十翼」爲經，附先儒之說，斷以己意。惟改《彖》曰《象》，曰《易贊》，又改《繫辭傳》上下爲《說卦》上下，從吳仁傑之說，不盡可從。至其廣徵博引，實爲說《易》家之淵藪。蜀人房審衡《周易義海》爲李衡所刪，言《易》家精博無踰是書矣。《坤》「黃裳」作「常」，云：「常文從巾，下服也，俗從衣作裳。」《蒙》「再三黷，黷則不告」，「黷」聲「讀」，煩教溷亂之意，王作「瀆」。《屯》「般桓」，「般，步干反，今磬、槃皆轉注。般桓，回旋之貌」；「遭如」作「寘」，「寘，張連反，回也，俗作遭」。《師》「貞大人」，「象在貞中以至正大公行師，乃得吉而免咎。子夏、崔憬、李鼎祚同，揚雄以下作「丈」，一經無稱丈人者，此必誤」。《夬》「其次次且」，「次且」今作「越越」，「次」或作

「越」、「蹇」，「且」或作「起」、「阻」，皆後人轉加」。《旅》「喪其齊斧」，「喪」舊作「得」，「緣」童僕得喪」字相混，故以「喪」爲「得」，於下文意不相蒙。王莽遣王尋屯洛陽，將發，亡其黃鉞，其士房揚曰：「此經所謂喪其齊斧者也。」以此爲證。「齊」，應劭云：「利也。」舊作「資」，亦沿六二「懷其資」相亂。子夏諸家並作「齊」，今從之」。皆援據古義。《履》、《否》、《同人》諸卦，謂舊脫卦名，補：「姤（象）」「彖」「勿用取」下衍「女」字。自序謂受《易》於伯父黼，此則黼之說也。《大典》所輯《易》類，多闕《豫》、《隨》、《无妄》、《大壯》、《晉》、《睽》、《蹇》、《中孚》八卦，獨此書不盡闕。《輯傳》每卦分《卦序》、《卦義》、《彖義》、《象占》諸目，至爲精密。其所采，如馮當可、李子思、吳斗南、李季辨、蘭惠卿、林慎微、李仲永、王逢、郭立之、毛伯玉、呂與叔、王介甫、李仁父、陸農師、張舜文、石守道、李去非、劉長民、王景孟、耿晞道、程可久、閻丘昕、盧氏、趙氏、鄭舜舉、劉氏、鄭少梅、胡翼之、陸希聲、薛氏、李仲遠、袁氏、房氏之類，原書多佚，賴此以傳。其附錄二卷，專載先儒著述，自古經、《周易緯》、子夏《傳》、田何《易》以下，皆洞悉源流。引《崇文總目》、《中興書目》多今所未見，其《崇文總目》多可補閣本之闕。全謝山《鮚埼亭集》云：「《易甘棠正義》，梁任正一撰。」以爲六朝之書，在孔氏《正義》前。今此書引《崇文總目》「《周易甘棠正義》三十卷，五代梁任正一撰。據孔穎達《正義》而申演其說。正一爲陝州大都督」。可以糾全氏之謬矣。

周易象義

丁易東《周易象義》，《永樂大典》本十六卷，闕《豫》、《隨》、《无妄》、《大壯》、《睽》、《蹇》、《中孚》七

卦，及《乾》、《晉》後四爻。張氏愛日精廬有殘本，自《豐》至《未濟》二卷。余閱錢塘汪氏《振綺堂書目》有此書，因假以校之。汪氏本首行標「《易》上經第一之一」，次行「武陵丁易東象義」，各卷仿此，乃宋本舊式也。其書分《易》上經第一之一、一之二，下經二之一、二之二，《彖》上傳一、上傳二、下傳一、下傳二，《象》上傳一、上傳二、下傳一、下傳二，《文言》五，《繫辭》上傳六、下傳七，《說卦》八，《序卦》九，《雜卦》十，凡爲十八卷。丁氏云：「朱子《本義》《文言傳》在《繫辭傳》之後，今以《繫辭》雜引諸卦爻辭，而《文言》專論乾、坤、彖、象，恐不合在《繫辭》後，故從馮氏本繼於《象傳》下。」蓋朱子用呂伯恭所編，丁氏依馮厚齋之序。至馮氏依吳斗南以《小象》分上下爲《繫辭》，以今《繫辭》合《說卦》爲《說卦》三篇，丁氏謂：「改《繫辭》爲《說卦》尚有可疑，定《文言》於《繫辭》前則不可易。今從其序，而《繫辭傳》之名仍依《本義》。」馮氏名椅，有《厚齋易學》，《永樂大典》輯出爲五十二卷，余亦有其書。宋人說《易》，馮氏最爲詳博，丁氏尤能擇善而從也。丁氏後序云：「六十四卦皆《乾》一卦之變，三百八十四爻皆《乾》「初九」之變。變卦其流，而卦變其源也，變卦其支，而卦變其本也。有卦變然後有變卦。既以變卦而論，其爻必參卦變以原其畫。此全書之大指也。」汪氏上經一之一、一之二闕《泰》、《否》、《同人》、《大有》、《謙》、《豫》、《隨》、《蠱》、《臨》、《觀》、《噬嗑》、《賁》、《剝》、《復》、《无妄》、《大畜》、《頤》、《大過》、《坎》、《離》，凡二十卦爻，其《彖》、《象》皆無所闕，以《永樂大典》本互爲補足，僅闕《豫》、《隨》、《无妄》三卦爻耳。

docsriver 文川网
入驻商家 古籍书城

在文川网搜索古籍书城 获取更多电子书

易考

《易考》二卷、《續考》二卷、《周易篇第》，萬載李榮陸撰。首列《定位圖》、《序卦平較》、《相錯》、《相合》、《右旋》四圖，《雜卦歸乾圖》。據《乾鑿度》，宓義作《易》，周文增通八八之節，轉序三百八十四爻，以繫王命之瑞。且《史記》司馬季主：文王演三百八十四爻，定爻辭文王作，非周公。《雜卦》末章八卦皆不對。虞翻謂《大過》死象而兩體《夬》、《姤》，故次《姤》終《夬》，言君子之決小人也。更取項安世《玩辭》以證之。「莧陸」取吳草廬：《說文》莧，山羊之義；陸，即道也。《孟子》言蹄跡之道。更取金幼孜《北征記》「野馬、黃羊有道，其寬其直過於人爲」以證之。於西河《易小帖》、《仲氏易》時闢其謬。《續考》乃未定之草，不取先天、後天，依經名之，爲《定位圖》、《出震圖》。《篇第》參取依費直本，但逐卦先經後傳，爲小異。

尚書考

《尚書考》六卷、《尚書篇第》二卷，萬載李榮陸撰。大抵攻《古文尚書》之僞，謂爲王肅所造。據《魏志》「王肅云：堯順考古道而行之」，「僞孔」亦云「能順考古道而行之」。六宗、四時、寒暑、日月、水旱，如此之類，「僞孔」皆與王肅同。辨毛西河《古文尚書冤詞·湯誥》襲《周語》單襄引「先王之令曰天道賞善而罰淫」句，《漢·律曆志》引《伊訓》有「誕資有牧方明」句，確爲古文所遺。單襄公所稱「先王」即文、武，非夏、殷。《漢志》引《伊訓》雜「誕資」句，史官據經作志。《伊訓》引賈誼文，改「鳴條」。賈誼改《孟

子」天誅造攻自牧宮」爲「鳴條」。《世紀》前條陳留平丘縣鳴條亭，是；後條蒲州安邑縣鳴條陌，非。此好事者借稱，非安邑本名也。《太甲元年子月乙丑考》辨僞《書傳》「湯崩逾月，太甲即位，改元」之謬。據《竹書紀年》：小乙六年，命世子武丁居於河，學於甘盤。武丁即位，命卿士甘盤。辨僞《書》「遁于荒野」、「僞孔」「既學而中廢業，遁居田野」之非。祖甲「不義惟王」，謂鄭康成謂「祖甲不義，弟先兄立而逃」，可備《史記》所未備。《旅葵》，據馬融謂「酋豪」，鄭康成「葵讀爲豪，國人遣其酋豪之長來獻於周」。《洪範》「皇極」訓爲「大中」。皆能推衍古義。《世俘解徐氏天元曆伐殷年月考》、《竹書書序史記伐殷年月考》、《周公稱王辨》四篇、《正陸象山主僞書傳疑聖》各條，俱詳核可據。又謂《君陳君雅篇名解》謂：「《君奭》之文可例，陳、雅，名也；君者，同官之相稱，《禮記》述君陳之云：『爾有嘉謨嘉猷，入告爾后於內，女乃順之於外，曰：此謀此猷，惟我君之德。於乎，是惟良顯哉。』斯道也，臣子之引誡，允矣，自君出之，幾乎忌克。僞《書》不詳名篇之義，綴之而乖其類，誣矣哉。」說亦有理致。「陽鳥攸居」，申林栗之義，栗云：「古地名取諸鳥獸，如虎牢、犬丘。《左傳·昭二十年》：『公如死鳥。』鄭有鳴雁，漢北邊有雁門，皆以雁名。」申之云：「《寰宇記》：『奉新縣東三十里陽鳥橋，連縣五橋相續，橫截川渚。村館俱以陽鳥名。』奉新正值彭蠡之西。」是雖未必，然其佐證亦博矣。《篇第》上卷則以伏生今文爲正，其下卷以東晉晚出古文，謂之補《尚書·洛誥》錯簡，不廢宋儒之說。

毛詩類釋

《毛詩類釋》二十一卷、《續編》三卷，國子監祭酒顧棟高撰。稱「臣謹按」者，乃其進呈之本也。蓋作於《春秋大事表》之後，時已以經學授職，故每卷結官銜稱「臣謹按」。《類釋》分天文、地理、山、水、時令、祭禮、官職、禮器、樂器、兵器、農器、宮室、衣服、草、木、鳥、獸、蟲、魚、車、馬，凡二十一類，每類爲一卷。於毛、鄭、陸璣、孔《疏》、朱《傳》無所偏主，兼采鄭樵、陸佃、陳祥道、嚴粲、楊復、許謙、馬端臨、張以寧、馮應京、何楷、吳鼎、程大昌，及近人顧炎武、閻若璩、胡渭、秦蕙田、張玉書、陳啟源、姜兆錫、楊椿、楊銘敦各家之說。解《王風》「招我由房」云：「北堂下另有北階，與寢之阼階相接，由房入寢，蓋在此處。《楚茨》詩「樂具人奏」，蓋於廟祭畢，燕諸父兄弟於內寢，樂隨以入。賢者不得志而仕於伶官所作，朱子以爲婦人所作，恐非。」此條申《詩序》乃顧氏自抒其見，最爲精確，其餘考證，詳略互見。於王質《詩總聞》、蔡卞《名物疏》未及徵引，蓋偶未見耳。《續編》則專取《爾雅·釋詁》、《釋言》、《釋訓》與《詩》相證，然如「（悌）「愷」悌，發也」、「髦士，官也」、「峻，農夫也」之類頗多遺漏。此進呈之本，錄入《四庫》，余於文瀾閣傳鈔得之。《衛風》「出宿于干，飲餞于言」，毛、鄭俱不詳其地。王伯厚《詩考》云「泲，同濟。《禹貢》「東流爲泲」，東郡臨邑有泲廟。『禰』，《韓詩》作『坭』。《寰宇記》：大禰溝在曹州冤句縣。《隋志》：邢州內丘縣有干言山。李公緒曰：柏人縣有干山、言山。柏人，邢州堯山縣。」（□）「陸」奎勳謂此衛女嫁邢者所作。棟高謂邢、衛同姓，衛女無嫁邢理。另有《訂詁》一書，今未見。至謂毛、鄭不詳處，所不必強

爲之說。

韓氏三禮圖說

《三禮圖說》二卷，元寧德韓信同伯循撰。首有延祐四年霍林陳尚德序，云：「伯循注『三禮』竣事，又取先儒圖說考訂異同。」今其注「三禮」不傳。此書爲圖七十有七，爲說四十有七，自《周九服》、《王畿方千里》至《鄉飲酒》二十九圖爲上卷，自《天子三朝》、《周太學》至《紂瑱》四十六圖爲下卷。盧抱經、錢辛楣《補元藝文志》皆不及此書。乾隆庚子蒼壁齋主人何善述跋云：「爲高固齋兆所藏，末識乙丑，迄今九十七年，國初人所得明人鈔本也。」福鼎王遐春校梓，有陳壽祺、趙在翰序，王學貞書後，其考證此書得失詳矣。《三禮圖》有鄭康成撰，及阮諶、夏侯朗、張鑑、梁正、開皇官撰六家，原書皆不傳，惟聶崇義《集注》二十卷爲近古。宋陳祥道《禮書》、陸佃《禮象》，毅然不用舊說。楊甲《六經圖》、林希逸《考工記解》、楊復《儀禮圖》各自成家，明劉績《三禮圖》則多用陳、陸，視聶《圖》爲土苴矣。韓氏此《圖》，如「制國不過千乘」引鄭《注》「古者方十里，其中六十四井出兵車一乘，爲兵賦之法。成國之賦千乘」，及《周禮·小司徒》注引《司馬灋》以駁包氏、陳用之「百里出車千乘」之非。辨封域，宗《典命》注「公之城方九里，伯七里，子、男五里」之說，謂公九章，同王之冕，《周禮》「匠人營國，方九里」，謂天子城也，不從陳用之主「天子城十二里」之說。皆精確可據。謂《書大傳》「十三人小學」，即師保所掌虎門外學，「二十人太學」，即庶子所掌，尚非憑空臆造。謂泮宮、辟雍不以圓半爲名，則與鄭《箋》「辟雍者，築土壘水，水之

外圓如璧。泮之言半也，半水者，東西門以南通水，北無水」顯相違異。韓氏既駁鄭義，辟雍、泮水舍圓半，竟不能圖其形，此其陋也。大抵說有利鈍，瑕瑜不掩，在覽者善擇之。聶《圖》之後、劉《圖》之前，備一家焉。張彥遠《歷代名畫記》：《三禮圖》十卷，阮諶等撰。又十二卷，隋文帝開皇二十年敕有司撰，左武侯執旗侍官夏侯朗畫。

錢氏冬官補亡

余於竹垞裔孫朱君聲遠家見錢軾《冬官補亡》三卷，曝書亭藏本。《明詩綜》詩人小傳亦載其說，以爲在俞廷椿《冬官補亡》之上，□強補《冬官》。錢氏據《尚書》，大、小《戴記》，《春秋》內外傳，余取□之，未敢以錢氏爲然。其本諸《國語》者，如司空，則《周官》□借他書以補。惟□工人匠師及《月令》工師、舟牧，《左氏》工正、圻人，其事尚與《冬官》相類，至《國語》后稷、農正、司商、舟虞、甸人、水師，當屬地官，火師當屬夏官。《周語》「舌人」韋昭注「象胥之官」。《王制》寄、象、狄鞮、譯，則秋官。象胥，鄭注《周官》已有其名，豈錢氏未見耶。況后稷爲周郃室之始祖，《詩》稱「思文后稷，克配彼天」，周既有天下，斷不以此官名爲冬官司空之屬。竹垞以不襲前人，可謂溫故知新，殊爲溢美。《周禮》諸官名不必盡見他書，而《國語》、《王制》、《月令》更不必盡本《周禮》。若《冬官》既亡，後儒無從補闕。俞氏欲補《冬官》，遂令五官俱不完，然猶取其相類者，若錢氏拉雜不倫，更無足取。

春秋經左氏傳句解

《春秋經左氏傳句解》七十卷，宋林堯叟唐翁解。首列杜預序，爲之注，次《括例始末綱目》六條。宋紹興辛巳孟夏穀旦，龍圖閣直學士左朝奉大夫知軍州事魯人耿延禧書。百順堂藏版。此宋刻也。《經義考》云：明杭人王道焜始爲《杜林合注》。道焜字昭平，天啟辛酉舉人，官兵部主事，殉乙酉之難。崇禎中書肆翻刻，削去道焜名，以道焜編書凡例改題堯叟，致有《春秋提要》「依《大全》錄之」之語，極爲紕繆。然竹垞僅云《句解》四十卷，亦未見七十卷足本也。唐翁本隱四年經「庚戌衛州吁殺其君完」作「戊申」，僖九年經「晉侯詭諸卒」作「倓諸」，僖十八年傳「而從師于訾婁」作「而後」，與唐石經合。山井鼎《七經考文》稱爲林直解，屢引其文。唐翁詮解字句，頗爲博洽，多足補正杜義。王昭平《合注》傳世亦希，坊肆本刪削不完，且任意竄改割裂，甚至以杜爲林，以林爲杜，兩家皆失其真。好學者如取堯叟原書重刊行世，亦斯文之未墜也。

春秋紀愚

《春秋紀愚》十卷，明金賢士希撰。賢登弘治十五年進士，授仁和知縣，入爲兵科給事中，出知大名府，改延平府，致仕，進亞中大夫，卒於家。顧東橋爲作《東園先生傳》，稱其少學《易》於吳公彥華。於時晉江蔡氏著《易說》行海內，乃與董生林輩推衍傳授，盡其精微，乃歎曰：「聖人精蘊盡於《易》，妙用見諸行事，則在《春秋》。」遂取「三傳」及諸家說，研究異同，發所未發，著《紀愚》。自序云：「有功或不錄，有